

eggunoo-mi o.” O ruttoo tan, o tawa galle o ko meho ina fittaa, ina jaantaa haa yoodi. E oon sahaa, o ruttoo, o addoya ruuhuuji jeedidi goddi burdi mo bonde, di naata e neddo he, di koda e mum. Hono noon, badtande oon neddo bura gadane mum hitude (Aadi Keso, Macca 12: 43-45).

So tawii a labbinaama tonngita daa e jinneeji, hebbin nguurndam maa e annoore deftere Yeesu nde, Deftere Seniinde nde. Yeesu Almasiihu ari hono “annoore e aduna, mbela kala goonjdindo [mo] ina waasa heddaade e nibbere” (Aadi Keso, Yuhanna 12: 46). Heb deftere Yeesu nde njaɲngaa nde jande fof mbela annoore Makko ina riiwa nibbere nde.

Ndeenka e ko Aroyta

Ngonden ko e laaci aduna do seydaneeji buri beydude golle mum'en e semmbe. Yeesu Almasiihu lonnginiino wonde hade makko artude, semmbeeji seydaneeji maa mbad kaawisaaji ngam hoomtude goonjdinbe be. E won heen, jinneeji ngarat e mum'en hono mbaadiiji kulbiniidi; e wodbe be, di peeja e mum'en hono no maleykaaji walla no maaybe mabbe nih. Ibiliisa e hoore mum maa yettu mbaadi Yeesu Almasiihu!

Kono woto dee penaale koomtu on. So a dooftiima Yeesu Almasiihu, maa o rokku ma semmbe haa mbaawaa dartaade ibiliisa. Gido korsudo, kala ko cippirtaa e mum hannde, accu Yeesu Almasiihu tonngit-maa heen!

So tawii hada yidi almuudo Yeesu Almasiihu jaagono-maa ngam tonngite-daa e ruuhuuji tunwudi, hada waawi jokkondirde e amen e ko winndaa koo caggal oodoo kaayit.

Copyright © 2023 by Sharing Hope Publications. Dee golle ina mbaawi fecceede e wobbe tawa wonaa e coggu hay so alaa yamiroore.
Binndi di ittaa ko e deftere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.

Janje Wonnde



Yettu natal jelde QR ngal ngam beydude ganndal.



Deeyre ko fayti e Ruuhuuji Tunwudi



Jinneeji ina ban yoo ban. No mbaawdaadi noddirde fof, woni ruuhuui, walla seydaneeji, walla jinneeji, ko di kulbaniidi tan. Seernaabe, wileebe, lohi e talki fof ina kuutoree hannde no feewi, kono mbela dum fof ina waawi en reende tigrigi?

Mbeda yidi haalande on gede tate beebde faamde ballooje en e ndeenka ko fayti e ruuhuui tunwudi mbela hodon mbaasa wondude e kulol.

Ndeenka ko fayti e Ruuhuui Tunwudi

Gorko o ko foppoldu mehru wonnoo homo wulla. Ko seydaneeji keewdi o wondunoo, tee alaa fof baawnoodo mo wallude. Yimbe wuro makko etinooma tonngirde mo callalle, kono o taya dum'en e semmbe kaawniido o dogo o faya genaale o hodoya toon. Heddi homo wulla ko tiidi homo jaaccira hoore makko keltine kaaye.

Haa nde gorko gooto arnoo biyeteedo Yeesu Almasiihu, ganndiraado Iisaa Almasiihu.

Hakke no gorko o leaptiranoo, nde o nyaabi hunuko makko ngam jaagaade ballal, jinne o wulli wi'i Yeesu yoo ummo doon acca mo. Kono Yeesu salii yahde. Homo anndunoo ko kewnoo. E cuusal, o furii jinne o yo yaltu e gorko o.

“Woto weddoyo min e nibbere kunuus!” jinneeji di jaagii mo. Di mbi'i mo yo o rokku di naatde e nder bamdi-tuge gonnoodi sara doon. Yeesu yamiri di yoo di njaltu e gorko o di naatoya e bamdi-tuge karmudi di. Doon e doon, gorko o hehti cellal mum, oornde bamdi-tuge nde fof babbitii to dow foongo to yortoyii e nder weendu he.

Caggal duum, gorko o hepti hoore mum. O heewi njaarooru! Kono wonaa e ngoldoo ciimtol tan haadi. Yeesu Almasiihu ina joginoo semmbe mawdo e dow ruuhuui tunwudi. Kala do o yahno, o tonngita be ruuhuui tunwudi tonngunoo. O rokki almuube makko bee ne baawde e dow ruuhuui tunwudi:

Yeewee, Mi rokkii on baawde... e dow kala semmbe gapo o, hay huunde waawaa bonnande on. Kono noon, woto mbelto-dee e ko ruuhuui dooftii on ko, mbelto-dee e ko inde mon mbinndaa dow asamaan ko (Aadi Keso, ganndiraado Linjiila, Luka 10: 19-20).

So en ndewii e Yeesu Almasiihu, maa en ndan jam e oo aduna, keben hoolaare e nguurndam ngarojam! Yeewen gede tate ballooje en haa mbaawen tonngiteede e kulol ruuhuui tunwudi.

Tawi a goonjinii e bernde maa fof Yeesu Almasiihu ina waawi tonngitde ma, maa o wad dum!

Gedel 1: Eewno Semmbe Innde Yeesu Almasiihu

Gedel gadanel ngel woni mooltaade e Geno o e dow innde Yeesu Almasiihu. Enen bolbe, en ngalaa semmbe. Kono so en noddii innde Yeesu Almasiihu e nguurndam men, ruuhuui tunwudi di nattat jogo semmbe! Yeesu wi'i dum do ko fayti e almuube makko: “E innde am maa be ndiiw seydaneeji” (Aadi Keso, Marka 16:17).

Tawi a goonjinii e bernde maa fof Yeesu Almasiihu ina waawi tonngitde ma, maa o wad dum! Wad oodoo duwaawu jaagooda Geno, “Joomiraado, mbeda jaagi maa yo a hakkit am e ruuhuui tunwudi e dow innde mo neldaa o, Yeesu Almasiihu!”

Gedel 2: Yiilo Laabal Nder e Boowal

Yeesu Almasiihu jarnginii wonde en potaani haabondirde e ibiliisa. O wi'i, “Gardiido oo doo

aduna nana ara, tee o alaa gedal e Am” (Aadi Keso, Yuhanna 14: 30). Heden poti labbinde koye men e gede ibiliisa fof no potiri.

E ko firti ibiliisa “alaa gedal e men”? Duum firti ko o alaa jey e berde men walla e galleeji men. Mbeddoden lohi e talki di nafataa hay huunde di. Ndeentoden gede bakkaat hono filmuui bondi, walla simmeeji kaandinooji, walla njaram tuurnojam harkillaaji. Tawi en meedii jeyeede e haaldooe e maaybe walla e wilooe, heden poti accude deen gede ko yaawi. So en mbadirii hono noon, en labbinat nokku men tawa seydaneeji mbaawataa wonde heen. Caggal duum, heden poti jaagaade Geno yaafo en, o labbina berde men nder.

Gedel 3: Hebbin Nguurndam Maa Annoore

Caggal nde Yeesu Almasiihu tonngit-maa e semmbe jinneeji, accu o wona dowoowo nguurndam maa. Woto woppu bernde maa mehre. Yeesu Almasiihu wi'i,

So tawii ruuhu tunwudo yaltii e neddo, wonata ko e wadde yah-ngartaa e nokkuuji joordi ina yiiloo do footii, kono danataa. Ndeen o wiya, “Mbodoni ruttoo galle am mo